

АРДАҚТЫЛАР ҰЛЫҚТАЛСА, ЕЛ МЕРЕЙІ...

Елбасы «Болашаққа бағдар: рухани жаңғыру» атты мақаласында туған жерді түлеткен тұлғалардың есімін жаңғыртып, өскелен ұрпақа үлгі етуді айтқан болатын. Ақкорғанда осындай міндетпен ұштасқан өрелі өнегесі бар шара өрбіді. Нактысын айтқанда, ауылдық округтегі көшениң біріне Ұлы Отан соғысы және еңбек ардагері Әсен Құлымбетовтың есімі берілді.



Салтанатты шараға арнайы келген аудан әкімі Ғалым Әміреев алғы сез алыш:

– Эйгілі Ақкорған төбенің шығысында Сауса деген көлдің жағасында дүниеге келді Әсен Құлымбетов қан қасап ашаршылықты өткеріп, сұрапыл соғысты да басынан кешірді. Одан кейінгі жылдары еңбек майданындағы атқарған өнегелі істері қаншама?! Тәуелсіздіктің тұғырын көтеруде де еңбегі елеулі. Ең бастысы, елдің татулық-бірлігін үндеп, аталы сөздерін айтып, қадірменді қария бола білді. Міне, Әсен Құлымбетовтың тұлғалық болмыс-бітімі, азamatтық қабілет-қарымы осындай еді, – деді.

Расында, мемлекеттік мұдде-мұрат жолында еңбек еткен Әсен ақсақалдың ғибратты ғұмыр-жолы жастарға үлгі-өнеге.

Ол белі бекімей, бұғанасы қатпай жатып аштықты көрді. Құғын-сүргінге күә болды. Екінші Дүниежүзілік соғыста фашистік Германия мен милитаристік Жапониямен жүргізілген майданға қатысты. Одан кейін еңбек майданына белсенді кірісіп, Талап совхозында қарапайым малышыдан бөлімше менгерушілігіне дейін өсті.

XX ғасырдың 70 жылдары Түгіскен тыңын игеруге басшылық жасаған Зұлпыхар Мұсаханов Құлымбетовты жаңадан ұйымдастып жатқан егіс фермасына

менгериші етіп жібереді. Ол кезде күріштен шыққан суды жіберетін арық болмай, дихандар тығырыққа тіреле-тін. Жаңа басшы бірінші осы мәселені қолға алады. Өйткені, бала кезінен Саусаны тұлету оның негізгі арманы болатын. Сондықтан Саусада күріш егу ісін шабыттана қолға алады.

Әсен Құлымбетов Түгіскен таңын игеруде ептілігін, іскерлігін көрсетіп, совхоз жұмысы өрлеуіне атсалысты. Үрпағына өнегелі тәрбие, саналы білім берді. Қазір одан негіз алған 12 ұл-қыздан тарайтын 47 нөмере мен 13 шөберенің ортасында өзіндік орны бар азаматтар.

Жалпы, әрдайым аталы сөзін айтып, елдік мәселелерге бей-жай қарамайтын қария жайлы "Саусаның саңлағы" атты кітап жарық көрген. Қаламгер Нұрлат Байгенженің қаламынан туған туындыда Әсен Құлымбетовтың азаматтық қабілет-қарымы, тұлғалық болмыс-бітімі жан-жақты суреттелген...

Салтанатты шара барысында «Жаңақорған ауданының Құрметті азаматы» Аманкелді Абдуллаев пен Зинабдин Шермағамбетов естеліктерімен бөлісті. Сондай-ақ, аудандық мәслихаттың хатшысы Ерғали Ильясов, аудандық ардагерлер кеңесінің төрағасы Әмірсерік Тақырбасов, ауылдық округтің ардагерлер кеңесінің төрағасы Молдахмет Ибрагимов «Рухани жаңғыру» бағдарламасы аясында ардақты тұлғаны дәріптейтін шараның мән-мазмұнына тоқталды. Ел ағалары Мадияр Ахметов, Серқожа Ыдырысов, Ізатілла Нәрзілдаев Ә. Құлымбетовтың қажырлы еңбек жолын баяндады.

Одан кейін Аққорған ауылдық округінің әкімі Сардармұхаммедәлі Садықов Әсен Құлымбетовтың атына берілген көшениң шешімін оқып, оны көше комитетінің төрағасы Нағызхан Эбутәліповке табысталды.

Салтанатты шараның соңын ала аудан әкімі Ғалым Әміреев, Аманкелді Абдуллаев, Ерғали Ильясов, ауданның бас имамы Сейдулла қажы Омаров, еңбек ардагері Айша Наубаева көше аты жазылған ескерткіш тақтаниң лентасын қиды.

Ардагер есімін беру салтанатының соңы «Дана» мейрамханасындағы асқа ұласып, Құран оқылып, жиналған көпшілік естеліктерімен бөлісті.

– Әкемнің ел арасында абырой-беделі өзінің еңбеккорлығы мен бейнетсүйгіштігінің арқасында келгені аян. Оның от ауызды орақ тілімен айтылған талай мәселесі шешімін тауып, ел игілігіне жарағанын жүрт біледі... – деді ардагер ұстаз Ермағамбет Құлымбетов.

Шынында, Әсен Құлымбетұлы жаңалыққұмар, зердесі ашық, көкірегі ояу тұлға еді.

Бұл жөнінде ұлы Ерекең былай еске алады:

«Бұрын пошта қызметі онша жолға қойылмаған кез. Үйге барсам, көкемнің қабағы кірбін тартып отыр екен.

– Тыныштық па? Біреуге ренжіп отырсыз ба? – дедім.

– Балам-ай, «Жаңақорған тынысына» жазылдым. Алайда басылым уақытылы келе бермейді, – деді.

– Көке осыған бола ренжуге бола ма? – дедім.

– Енді менен ғалым шықпас. Ондай уақыттан өтіп кеттім. Бірақ, өмірдің ағымынан, қоғамның тынысынан хабардар болып отырғаным дұрыс емес пе? Сондықтан уақытылы газетпен танысып отырсаң оның несі айып? – деді.

Әкем сөздің шешені ғой! Сөз тапқанға қолқа жоқ дегендей, оның айтқан дәйекті сезіне ұтылғанымды іштей мойындал:

– Онда мектепке келетін газетті жіберіп тұрамын, – деп көңіл-құсын үшірғандай болып кеттім. Арасында ауылға газет кешігіп келгенде, үйге қонырау

шалып, «газет қашан келеді?» деп жаңалық құмар қөнілімен сұрайтыны бар еді әкемнің» дегені көкейімде қалды.

Сонымен, Түгіскенде тәлімі мен тағылымы мол шара өткеніне қуә болып қайттық деп айта аламыз...

Ерубай ҚАЛДЫБЕК.
09 қантар 2019 ж.